

醫驗錄二集自序

甚○矣○人○情○之○好○死○而○惡○生○也○於○何○知○之○於○醫○人○之○治○病○而○知○之○  
於○病○人○之○求○醫○而○知○之○或○叱○之○曰○子○何○言○之○不○經○一○至○於○此○也○  
人○情○不○甚○相○遠○縱○使○好○惡○懸○殊○何○遂○至○有○好○死○惡○生○者○矧○醫○人○  
之○治○病○原○爲○救○死○病○人○之○延○醫○原○爲○求○生○即○或○有○誤○夫○豈○其○情○  
余○應○之○曰○子○言○似○矣○然○余○言○非○無○徵○也○醫○人○固○欲○救○死○而○不○知○  
其○所○以○救○死○者○適○所○以○傷○生○病○人○固○欲○求○生○而○不○知○其○所○以○求○  
生○者○適○所○以○致○死○若○云○誤○則○當○悔○且○改○矣○乃○終○不○悔○不○改○則○是○  
○苦○子○不○知○  
○苦○子○無○嫌○  
○目○擊○心○傷○者○衆○極○

好死也是惡生也。第未有明指以告人者。人遂皆在好死惡生之中。而不之覺也。蓋人之爲病。必有虛實寒熱之不同。亦必有輕重緩急之各別。而醫人之治病。則必有補瀉溫清之異用。亦必有和平峻猛之殊施。審病用藥。用藥應病。斯能起積久之沉痾。救急猝之危命。至于輕淺之恙。又不足言矣。若所謂好死惡生者。則不然。凡病人來前。不審其病之爲虛爲實。爲寒爲熱也。但曰有火宜清。亦勿究其病之爲輕爲重。爲緩爲急也。緊曰用藥宜輕。且自負此輕清之法。得之家傳。得之秘授。故有書亦不

復讀讀之亦不能解各論亦不欲聞聞之亦不虛受止守其家  
傳秘授之法第擇藥性之無力無味者二三十種一任男婦老  
幼新舊危困者悉以此投之夫病之變幻無常醫之經權難泥  
如同○一○病○也○而○彼○此○異○治○同○一○病○且○同○一○人○也○而○前○後○亦○異○治○  
况○病○狀○多○端○人○類○不○一○安○可○執○此○輕○清○數○味○遍○治○千○百○之○人○之○  
病○乎○而○無○如○病○人○之○所○喜○正○在○此○醫○之○深○中○乎○病○人○之○心○者○亦○  
正○在○此○一○切○風○寒○燥○濕○及○表○裏○虛○實○種○種○病○情○病○人○何○知○惟○火○  
之○一○字○最○熟○于○胸○中○最○滑○于○口○角○故○見○以○爲○清○火○也○遂○信○服○而○

不疑見藥性至輕而分數又至微也。遂多服而不畏在病之可  
不藥而自愈者。服之亦無害。若病之必藉藥力挽回者。服之未  
有不由輕致重。由重致死者也。間有明者。微詞諷之。委曲諭之。  
苦口勸之。醫人不惟拒諫飾非。而謗謗轉熾。病人不惟執迷不  
悟。而疑畏轉深。甚至有挽救奏效。可幸復生者。而病人愈見效。  
愈多疑。而前醫又從而簧鼓之。旁人又從而間阻之。遂復却甘  
露而飲鴆酒。舍蘓合而弄蟻丸。必令氣盡血枯。形銷神滅。死而  
後已。如此死者。誤乎否乎。明明有可生之路。而必不由其路。明

明是取死之門。而其牢籠其門。則欲不謂之好死。不得也。欲不  
○切○不○可○發○易○  
謂之惡生。不得也。好人之死。惡人之生。而不覺人。即自好其死。  
○切○不○可○發○易○  
自惡其生。而亦不覺也。噫。亦可哀矣。余曩因先王母危疾。幾誤  
之後。始知醫之關係匪輕。遂細心研究。悉從古先聖賢之所垂  
訓者。玩索而佩服之。未獲一日奉教于時道名家。故只知認証  
○是○大○匠○主○  
施治。絕不知有趨時之道。絕不知有周旋之法。絕不知承順病  
人之意。絕不知迎合旁人之情。絕不知避諛免謗。隨波逐流。絕  
○真○婆○心○真○高○手○  
不知固寵圖利。爲己誤人。而又不肯模糊疑似。將就塞責。不肯

模稜兩端。因人可否。惟期切中病情。如射者之審顧。而發發必中的。凡有自愛其生者。信而納之。無不隨手見功。雖死者不能使之生。而生者斷不令之死。前此因家坦公之意。已畧陳所驗者。請政大方。嗣是欲歲彙一冊。以告無過。緣食指浩繁。無力爲此。庚午入都門。蒙諸先達欲留余京邸。并欲以醫驗二集代付剞劂。余以老親繫念。力疾辭歸。因之未果。今春承一二知己力倡付梓之舉。悉將積案檢出。計十餘年來。奇驗者不下數千。竊恐卷帙繁多。太費主人物料。因刪之又刪。汰之又汰。僅存十

之一二大半皆追魂奪魄與閻君相抗拒者其餘皆易訛錯與  
群醫者相反者總無非好生惡死之心迫而爲此夫於群相好  
死惡生之中而獨以好生惡死爲情則大拂乎人情矣然拂乎  
人情者必不拂乎古先聖賢之情則以此告無罪于古先聖賢  
者乃可告無罪于天地鬼神亦惟告無罪于天地鬼神者始可  
返而無愧于一心噫吾亦求無愧于一心已耳知我罪我又何  
計焉

康熙庚辰季春吳楚天士氏自識于錦山書舍



此大醫王一段苦心一部醫經也讀者如聞曉鍾若睹此絕  
不悚然又是好死惡生一種夫何足惜

姻弟汪士鉉評閱

好死惡生四字似是創論却是確論將舉世枉死之弊彼妙  
眼看透妙手寫透我輩讀之恰如夜行之喜得火光若庸流  
見之正如偷兒之恨有月色也

同學弟程先澤評閱